



kal. komp.

33698

Mag. St. Dr.

P

Archiepiscopus Soc. Jesu Athenaei Dares bo-
 notum post ~~causam~~ ~~reformationem~~ ~~reformationem~~ ~~reformationem~~
 Martis. bellaria ad regalis solis mensam Joanni
 Alberto Ser. Poloniarum Regi in Urbe Polo-
 nae appositae.


Jes. Dr.

N. 433.

POËTAE POLON.

N.

ser.



D A R P E S

H O N O R U M

post Scientiarum opsonia

&

cruda Martis bellaria

ad Regalis solij mensam,

JOANNI ALBERTO

Serenissimo Poloniarum Regi

in Orbe Polono appositæ;

Nunc

Prævia Avitæ Crucis

Perillustri Magnifici Domini

**JOANNIS
KRASNODEBSKI**

SUBDAPIFERI PODLACHIÆ

Domini ac Mecenatis Munificentissimi

Benedictione

Convivanti spectatoris oculo

ad publicam Theatralis apparatus mensam

Metagymnastico Dramate

ad delibandum

propositæ.

A Perillustri ac Magnifica Juventute

Athenæi Drohicinensis Societatis JESU

Anno ad Mensam Crucis discumbentis DEI 1717.

Pridie Calendas Augusti.



Typis Supraslensibus PP. Basilianorum.

IN AVITA
ILLUSTRISSIMÆ
KRASNODEBSCIANÆ DOMUS
INSIGNIA.



I. 33.698. III.

Ferrea mensa dapes Præmisso ponit honorum,
In qua cum sceptris aurea poma capit.
De Solea mensam Tibi struxit Avita propago,
Panis auratos hinc ut honoris edas.

II.

Pro mensa Solea est, Crux est benedictio mensæ,
Patria quam geminant stemmate signa tuo,
Respicit una polum, spectat crux altera terras,
Illa Tuis Ceris ut benedicta forent;
Hinc benedicta manet Dapifer Tua mensa vicissim,
Qua dat honoratas terra polusq; dapes,
In Solea Soles centum Cruce fidus honorum,
Et trabeas centum ter Cruce terra notat.



DEDICATIO.

IN principe Podlachia Solo ad meridianam hono-
rum solem, Illustrissimum scilicet KRASNO-
DEBSCIANÆ Solea orbem, non sine geminata
Crucis Tuæ benedictione Metagymnasticus Apol-
lo Honorum apponit Dapes, Perillustris Magni-
fice Domine, Subdapifer Podlachia. An enim a-
libi regia mentis portio delicatam expleret ore-
xim honor, aut splendidius ad scenicas canaret
umbras, scientiarum convivjs vivens Ioannis Al-
berti Regis Poloniarum animus, quam in augusta nobilissima Domus Re-
gia, ubi affulentibus Illustrissimorum Aboriginum Tuorum Ceris pro
Regali Soleam mensa, lautissima laudum tuarum opsonia, millenis condi-
ta gratijs, verior avi nostri Gratiane, apposuisti pro bellarijs, ut & deli-
banti redēfactorum lautitias genio, ingenij palatum acueres, & fameli-
cam celebrandi KRASNODEBSCIANI Nominis mentem pasceres ad
Satiētatē. Et quidni vulgata per orbem fama avidam in nobis immor-
talis gloria Tua satiaret famem, qua in prima ætatis aurora ultimas
populorum oras, vel si præcepta à populari stylo vindicetur suada, rectius
dicitur, ora implevisti regum, quasi jam tunc augusto prægustarent labio,
quantum olim sub labaro angustiata patria moveres gustum, dum in ore
gladij armatos hostium greges ad mensas regum publica saluti civium
caderes apponendos. Antequam tamen crudis Gradivi bellarijs sapidam
Polono gustui instaurares mensam, propriam prius mentem delicatioribus
Sapientia epulis inescari voluisti, ut non minus potens in sermone, quam
in opere spectareris. Sapuit tenero palato erudita animi portio, quam
primis eò avidius capiebas labris, quo magis ad gustum capacissimo scien-
tiarum capiti accidisset, ita flexanimes eloquentiæ imbibisti fontes, con-
sumptamq; librorum consumpsisti eruditionem, ut etiam in grandiori &

tate inter mensarum hilaria, nectares. Tibi amarescerent calices, despe-
rent sapidiores dapum cupedia, nisi poriori eruditarum mentium alimen-
to, sapientia sale condirentur. Advertit in Te Subdapifer dignissime non
vulgare dapum condimentum Sapientum Patria, Terra Drohicinensis,
hinc ne quidquam insulsi Tuæ inferretur mensæ, suffragantium in hoc non
sine animi gustu consensere mentes, ut uni Tibi distribuenda in omnes
committeretur salis portio, non ignari, singulari prudentiæ Tuæ mensurâ
ita singulis proportionandam fore, ne ullus sapientissimam fuisse diffite-
retur. Quid enim non sapientissimum prodire poterat ex Illustrissima
KRASNODEBSCIORUM Domo, quam ipsa adificasse videtur Sapien-
tia, tot in illa ponens columnas, quot in ruinam euntis Patria firma-
vit columina, nemo hic non Succollator vicina polo Polonia Atlas,
nemo viribus non super Atlanti Alcides, qui se solo sine secun-
dantibus humeris Sarmaticum fulciat Calum: statuit præterea eadem
animorum Regina, in hac augusta Scientiarum Regia, ceu trium-
phantis eruditionis Capitolio mensam, ad quam quotquot statistarum
pedem promoverunt capita, tot Statores credebantur epulari Ioves,
qui nec capitis, nec veritatis lasâ integritate, toties diviniorem Ca-
pitalli partu edidere Mineroam, quoties ad tutandam communis bo-
ni spartam, optima consilia protulerunt. Prægustatô itaq; in Podla-
chia Musarum Augustali eruditô ad Cordis satietatem cibo, non
rudia actutum sapere capisti bellaria, dum ad cruda bellorum convivium
heroo Gradivi ferro grandior Tibi acueretur appetitus, ac si vel i-
psius Sapientiæ minus saperent opsonia, nisi ab hostili etiam sangui-
ne acciperent condimentum. Quare accessisti ad mensam fortium
Subdapifer fortissime, non ut ab heroicis Tuis ausibus degenerantium
more, Lyao regificis super descripta mensis prælia pingeres, sed Mar-
tiam expleturus orexim, casa victore gladio hostium capita, calcatas
triumphati pede interfectorum cervices pro primo & non feriali po-
poscisti ferculo, nihil festivius Tuis ostendens accidisse votis, quam
non feriatas ab infestatione ferire copias, nihil imperterrito pectori
solemnius, quam insolenti hostilium agminum cade profusum sitienti
Telluri propinare cruorem, nihil deniq; Mavorijs innutritio bolis
palato testatus arrisisse sapidius, quam fulminali balisâ expugnatis
manium fragmentis infractum Polonia libertatis robur alere, adeo,
ut illa solum festa Tibi diceretur feria, qua ferilibus Othomanidum
turmis fuisset infesta, illas candido notatas sole predicares horas, qui-
bus Orientali Luna ecclipsim, Scythico Orienti occasum, caterisq; sar-
maticam Maiestatem obscurantibus potentijs atrum à funerum umbris
induxisses diem, illos veterum Romanorum exemplo annos, aureo
signares clavo, quos vibrato ferro hostibus ademptos perennatura Pa-
triae, Tuiq; Nominis immortalitati addidisses. Præterea ad bellicæ
fortitudinis Tuæ elogium non leve laudis accedit argumentum, quod
Marios scilicet ardores ita clementia Tuæ umbra noveris attempe-
rare, ut quanto gravior hostium cervicibus eras, tanto lenior appare-

re: civibus, dum nec panem bene-meritorum extra paternam sumere voluisti mensam, gloriosus triumphi stipendium arbitratus, propria dare, quam aliena accipere. Felix statio illa, cui hybernus obtigisti hospes, quia plenaria gratiarum Tuarum indulgentia à Te JOANNE gratissimo beandam se se non ignorabat: beata illa domus limina, qua redeuntium è Gradivi arena plantarum lambebant pulverem, ubiq; cum summa animi voluptate salutabaris, unde non sine maximo incolarum marore ante abieras, sequebantur abeuntem manantes ab oculis lachrymae, non quas injuriati animi expressit dolor, sed longius Tui retinendi amor eliciebat. Apprecabantur fortunatissimos bellica expeditionis successus, ut magnis onustum trophæis gloriosus reducem exciperent, Patria Servatori festivum occinerent epinicion, & in cordium penetralibus arcum Triumphatori erigerent triumphalem. Nec vana apprecantis populi fuisse vota toties bene ominatus docuit eventus: nunquam enim ex Martiali excedebas campo, nisi Castrensibus redimitus laureis, nec aliter inter Servatos Patria Cives comparebas, quam Civica coronatus, ita nempe utrobique vincere, & victoria tui felicitior sciveras Annibal, ut & armis hostes subjugatos, & captivos beneficiam Civium animos, quacunq; incessisti, duceres in triumphum. Ergo triumphalibus satiatu palmis, quas mirabili heroica virtutis dexteritate, & palmarum praepriveras ingenij dextera, ad signatam Patrijs Crucibus mensam solenni Avita Solea Tua procedebas galaxia, eò carior in Paterna Domo futurus Hospes, quo clarius Majorum Tuorum Maxime Nepos augustos Aboriginum splendores recte-factorum gloria illustrasti, & in nondum bene terso ab hostili cruore gladio grandiorum purpurata dignitatis Erythram KRASNODEBSCIANI Sanguinis Rubiconi praesagebas infundendam. Si tamen majus vastissimo Profapia Eridano, quo vel ipsa honorum magnitudo minor est, quidquam affundi potuit, quod ex condigno dimanantium in Patriam meritorum coronaret fontem, vel auriferos confluentium familiarum Pactolos exaquaret, certe purpurata Senatorum erubescunt trabea, pallent aurata Ducum clava, elata Optimatum curules etiam in maxima minores sibi videntur maiesate, quod nihil sago invictissima, togâ potentissima Domui Tua ad grandium gesorum inveberent aequalitatem. Quid enim KRASNODEBSCIANA Domus est, nisi Virtutis Regia, fortitudinis Sacrarium, tot religione praestantes numerans Numas, quot clarissimos bello recolit Numantinos. Recense, quisquis KRASNODEBSCIANAM scrutari volueris Maiesatem, magna imò aequalia maximis DUNINORUM, OSSOLINSCIORUM, WASOWICIORUM, ROZWADOWSCIORUM, CIECISZEWSCIORUM, OBORSCIORUM, DOMASZOWSCIORUM, OLD AKOWIORUM, WODZINSCIORUM, Caterorumq; venerabundo silentio inter angustias pagina celebrandorum Nomina, & totidem Poloni poli a-

dora Numina, infractos Patria Atlantes venerare. Quos inter ad-
vertes illustrius attulisse ornamentum, non funeri sed nominis im-
mortalitati præcinentes olores, qui cum Heroum Altrice e DUNINI-
ANO Alveo, in hanc Heroici Sanguinis Piscariam transfretarunt.
Erige adhuc è Podlachia solo ad Solis amulum Sarmatia solium
scrutatricem avita gloria pupillam, & videbis in Regio SORIESCI-
ORUM Scuro illam nidulari Columbam, qua KRASNODĚBSCIANIS
illata adibus, bellatrices progeneraret Aquilas, seris posterorum ne-
potibus pro principali Genesis linea regale Sceptrum ostensuras. Au-
xit insuper tam illustrem Prosapia splendorem claritate generis, &
Sobolescentis virtutis foecunditate non sterilis Elisabeth Perillustri
Magnifica Consors Tua Subdapifer Optime, quam electam ex mil-
libus socialis vita delegisti Comitem, pulchram hac heroinarum Pul-
cheria & ESTKORUM prognata Sanguine Esther à FRANKIEN-
BERKIANIS ducit originem Comitibus, magnog, Luminarium comi-
tatu, quem FRANKIENBERKIANÆ, ESTKOWIANÆ, ZA-
WADZCIANÆ, DERPOWSCIANÆ, FREZERANÆ, NIWICCI-
ANÆ, ELZANOWSCIANÆ, ORNOWSCIANÆ Sexcentag, alia
adornarant Cera, Tua implevit Atria, majori secuturis temporibus
eadem illustratura lumine, dum ad paterni Cordis solatium, ad
Patria fideiq, defensionem, ad firmandam KRASNODĚBSCIA-
NI Nominis immortalitatem illam Tibi IOANNES Maxime da-
bit prolem, qua major hoc ævo non surrexit. Verum non intra
hos adhuc gloria terminos Tua stetit magnitudo, altius scriptoria evo-
landum penna, ne præcipuum laudis prætereat argumentum, scilicet
Perillustrem M. D. Genitorem Tuum Terra Drohicinensis Notarium,
qui Consos Consilio, prudentiâ Lycurgos, gravitate Catones, invictâ
fortitudine Domitores Orbis superavit Alexandros. Quis enim un-
quam difficultatum obiectus est nodus, quem acutissima mentis acie
non solverit, qui in perniciem Patria subreperunt doli, quos spe-
ctata prudentia non detexerit documentis, quis hostilis impetus Polo-
niam lacessivit, quin illum Augustior hic Iulius Martio non vice-
rit ferro, & quidem tanta celeritate, ut prius se victum inimicum
persemisceret agmen, quàm vibrati fulgorem gladij conspexisset: verè
juxta sui etymologiam nominis à DEO positus in ruinam multorum
Patria & fidei hostium, in civium verò salutem unversorum. Et
certè non invitè fusos in vita pro bono publico sudores jam in ter-
ris rependit polus, dum inter sivos astus, quibus afflata graveolenti-
am contrahunt cadavera, etiam post fata ceu vivus gratissimos spi-
rasse olores, ab oculatis perhibetur testibus, luculentum relinquentes
testimonium, quàm bonus Christi & Patria odor in vivis fuerit, qui
tam vivaciter in immortalitatis vestibulo redoleret. Vivit ergo im-
mortale SAMUELIS Nomen, quod in Caleste Notariâ pennâ inscri-
psit album, & in recenti viget posterorum memoria, haret altè gra-
tis

tis impressa animis grandæva vultus Maiestas, quibus vel semel il-
lius videndi, vel oracula fundentem audiendi felicitas obrigisset. E-
nim verò quod in maximo Filiorum Patre, hoc in non mino-
ribus Patre Filijs venerantur presentia, in seris posterorum nepotibus
futura predicabunt sacula. Videt Podlachia orbis, videt Regum re-
gnorumq; propilla Sarmatia, in Te primo Subdapifer meritissime, tum
in Natu secundo Paternarum virtutum Hærede facile primo Peril-
lustri Magnifico Domino CASIMIRO KRASNODEBSKI Iudice
Terrestri Drohicinensi vivam Genitoris imaginem, quam si quis A-
pelles pingere vellet, illum poneret pro Idea. Quod si Corona Patris
est filius sapiens, tum utiq; ille non tantum regio CASIMIRI nomi-
ne, sed etiam digno Regiâ Coronâ Capite Paterna coronavit tempo-
ra, siquidem nihil Iustiniani codices, nihil erudita juris pandectæ,
nihil Politicorum, Chronologorumq; continent volumina, quod memo-
ria sua vastitate non comprehenderit. Tacent Illo loquente Podla-
chia Taciti, Sententiam dicente pro Tribunali togati stupent Man-
lij, perorantis facundiam purpurati admirantur Tullyj, quod dignius
unquam majestas meminit sese Polona locutam. Unum inter Coro-
nata Sarmatia Capita Iustum Polonus adoravit Orbis Casimirum, in
hoc Podlachici Areopagi Arbitro, & aequitatis jure ad Principum
purpuras candidato, secundum adorat Lechia, imò primas illi debent
ministra Iustitiæ tribunalia, quibus Deputatoriam sapius inferens
dignitatem Iusti cognomentum in memoranda fastis facta commuta-
vit. Non minor Paternæ virtutis Hæres celebratur Perillustri
Magnificus Dominus THOMAS KRASNODEBSKI, Ensisfer Owruc-
censis, qui consignato Avitâ Soleâ ita processit tramite, ut à Ma-
ximis Maiorum suorum rectefactis ne ad unguem discederet; do-
nec in illo præclare gestorum consisteret termino, in quo & No-
minis sui, & KRASNODEBSCIANÆ gloria abyssum geminatis me-
ritorum coronis adimpleret. Paribus incedent passibus Paterni Fra-
terniq; agnominis Successores MICHAEL & FRANCISCUS, decur-
rent hæc amplissimi Rubiconis flumina, immensum Illustrissima Pro-
sapia Oceanum impletura. Implevit usq; ad summum abyssalem no-
minis altitudinem summa Theologorum & Aquinaticus clarissimi hu-
jus cognomenti Phæbus, ibi in Religioso Divi Dominici subsistens Ca-
lo, ubi caelestes in terris merita honores Domui, meridianam San-
ctitatis & Sapientix accenderet apricum. Ita scilicet Illustrissimæ
Prosapia splendor etiam à pullatis Religiosorum umbris encomio-
rum deducit meridiem, quem ad ultimum non postremè illustravit
Pater Tuus ADAMUS KRASNODEBSKI maximis in Minima
IESU Societate Doctorum laureis, plurimisq; claris voluminibus,
quibus legendam posteritati perennaturæ famæ monumenta inaravit.
Hic jam metire Nominis Tui immensitatem, Subdapifer Maxime,
Bz expende,

expende, quanta faderatarum familiarum, quanta Paternarum lau-
dum Honori Tuo militent Satellitia, cuius obsequijs, ne & Podlachir-
cus desit Apollo, opsonatorem induit, Dapes Honorum (uinam
ad angusta mentis gustum) appositurus. Regia quidem hac bel-
laria sunt, qua olim in Orbis teatro, nunc in theatrati conspi-
cuis orbita Magno non minor, minori Nam certe maior Alexan-
dro, prelibavit Ioannes, tamen ne erudito palato Tuo non arride-
ant, liberalissimis in Minimam IESU Societatem IOANNES Gra-
tiosissime condies gratijs, pro quibus perennem cum suo Athenao spon-
det gratitudinem.

**NOMINI ac HO-
NORI TUO.**

*Obligatissima Residencia
Drobicinensis
Societatis IESU.*



ARGUMENTUM.

Ioannes Albertus Rex Poloniæ multam adoleſcentiæ partem Muſis dedicavit, nullum aſſerens dignius Principe otium illo, quod literarum appellamus; é literario pulvere in Militarem digreſſus arenam, caſſo ingenti Tartarorum exercitu utramq; laurum in uno regni diademate par Cæſari meruit. *Albertus Ines Lechiados part: 3. Crom: de rebus geſtis Pol: lib: 29. & 30. Kojalowicz Hiſt: Lit: part: 2. lib: 5.*

PROLOGUS.

Prothafis.

Inter Scientiæ opſonia & appoſita Martis bellaria Conviva Genius Ioannis Alberti à viduata rege Polonia ad thronum invitatur; cui ad Solium comitante Scientiâ & Marte gradienti præcurrere geſtiens Ambitio, ab obſtante Pallade hæſtâ repellitur.

Apodoſis.

Genius Podlachia in Illuſtriſſima KRASNODEBSCIORUM Domo ad Avitæ Solea menſam folio dignas oſendit convivari virtutes, brevis hiſ comitibus, abſq; ambitionis livore in purpurati Honoriſ regiam appenſo illó Claudiani Monosychó Tam celer aſſiduos explebit curſus honores auguratur commutandam.

ACTUS IMUS.

Scena una. Poſt fata Caſimiri Jagelloniæ, Poloniæ Proceres de regni ſucceſſore conſultant, dumq; pars Ioannem Albertum, pars Alexandrum ſuperſtites defuncti Regiſ filios ſuis ad thronum evehunt vetiſ, Aquila Polona quaſi litem diremptura regium demittit diadema, cum inſcriptione: *Ferat coronam, quod tulit lauros caput.* Hinc omnes Ioannem ſcientiarum laureis inſignem, Regem volunt, ſolo reclamante Alexandro, & Ianuſio Duce Mazoviorum, cum ſuis adhærentibus.

Scena

Scena 2da. Alexander licet natu minor, majori tamen cedere nescius de modo potiundi regni deliberans, audit per refractam à montibus vocem responderi: *manus negata libero vincitæ dabunt.* quo consternatus obvium super hoc consulit Ianusium, qui eum bono animo esse jubens, de contraria dictum explicat parte, facile illam consensuram dicens, si libero, id est mero liberaliter vinceretur.

Scena 3tia. Ianusius magis de se quàm de alijs ad solum promovendi sollicitus, in turbido piscari constituit, quare per literas Cearum Tartarorum Ducem ad infestandos Poloniæ limites (ut intentis defendendæ Patriæ proceribus facilius ad thronum eluctetur) incitat, eiq; in prædam regni competitores destinat.

Scena 4ta. Tabellarij paulum digressi offendunt senem inter montium cavernas illud Ennodij fragmentum tumbæ inscribentem, *spes medio contacta sepulchro,* quo territi malè ominatum iter Ioanni denuntiant: Ille furibundus advolans tumbam auferre jubet, necemq; auguri minatur, ni arcanum prodat, hic mortis metu ad magicas confugiens artes involutus, priori tamen æquivalens extorquet oraculum; *ante thronum Dux mille tubam mediantibus imple,* quo auguriò in Sententia malè confirmatus cum epistola procedere jubet.

Scena 5ta. Ioannes Princeps alienatum à se fratris animum revolvens, in varios torquetur affectus, sed aula ad lætiora animante, abit in bibliothecam, consveto literarum otio turbatæ mentis procellas discussurus.

CHORUS.

Prothasis.

Mundi fastus tentans Threjicia supponere Pelion Ossæ, per quem in honoris Olympum ascendat, Gigantomachiam in subsidium evocat; Hæc lacertos sublevando oneri parans à Marie prosernitur, fastusq; captivatur.

Apodosis.

Honor heroica pro DEO & Patria expendens facinora Perillustris Magnifici Domini Subdapiferi, perennatura monumenta famæ KRASNODEBSCIANO Nomini erigit colossos, serioq; tandem licet serò toties gloriosum sui transfugam promittit assequendum.

INTERLUDIUM.

ACTUS 2dus.

Scena 1ma. Congregatis denuò proceribus, ut inchoatam finiant electionem, nuntiatur Tartaros in fines regni irrupisse, & magnam populo inferre stragem; quo audito ab eligendo rege ad defendendam Patriam consilia vertunt: Dux Ianusius optimè rerum concius, non ad solum promovendi studio, sed periculo vitæ exponendi,

nendi, svadet illis Ioannem Principem opponendum, in quem omnes non vanò Coronæ præfagiò animati consentiunt, & ad hanc legationem obeundam Alexandrum cum eodem Ianusio eligunt.

Scena 2da. Antequam legatio perficiatur, Ianusius Alexandro perfvadet in absentia fratris tempus capiendis procerum animis aptissimum fore, quare Alexander venationem institui, & omnia pro futuro convivio apparari mandat.

Scena 3tia. Legatos studia interrumpentes lætus excipiens Ioannes Princeps, libenter pro integritate Patriæ vitam & sanguinem offert, statimq; militem convocari imperat.

Scena 4ta. Redeuntibus Ianusio & Alexandro nuntiant venatores Camelum in Sylvis repertum esse magnis oneratum thesauris, ad quem capiendum dum invitatus, simulata ab isto animali naturali abhorrentia Ianusius ire renuit (sciverat enim ibi Tartarorum latere insidias) solus cum venatoribus accurrens Alexander capitur & abducitur.

Scena 5ta. Ab elapso è vinculis Tartarorum venatore Captum, neciq; destinatum audiens Ioannes Alexandrum sine mora cum convocatis lustratisq; copijs hostes insequitur, fratrem morti erepturus.

CHORUS.

Prothasis.

A *Mbitio & Dolus in Rubicone retia laxantes, ut tutius in turbido piscentur, supplicanti Neptuno, ut quassa tridente tumultuetur unda, sed præter ossa mortuorum & calvarias extrahunt nihil. Ex altera parte Genius Ioannis Alberti Scientiâ & Marte adiuvantibus in eodem Rubicone mitras principum, Ducum clavas, Sceptra Regum & Coronas comprehendunt.*

Apodosis.

G *enius Polonia hæc honorum insignia KRASNODEBSCIANO Filii lustrissimi Sanguinis Rubiconi maximisq; Perillustri Magnifici Domini Subdapiferi in Patriam meritis deberi asserens, monet ne destinata emerita virtuti præmia longius retardentur, sed quantumcunque relictæ factorum maiestas coronetur.*

INTERLUDIUM.

ACTUS 3tius.

Scena 1ma. Succedentibus ita dolis, unum adhuc tantum sibi solvendum gloriatur nodum Ianusius, scilicet, ut distractos Senatorum animos occultis expugnet machinis, quod se facilè effecturum sperans abit in Senatum.

Scena 2da. Dubium expeditionis eventū præstolante senatu, adest Nuntius optimos

optimos belli successus, & literas Ianusij ad Cearum captivum inventas afferens; ex quibus Ianusius tot malorum reus judicatur, inducitur tamen ut se ab objecto purget crimine roganti conceduntur.

Scena 3^{ta}. Machinationes suas patere videns Ianusius, ex nimia apprehensione lethali corripitur morbo, tumbam à mago acceptam ultra non victurus afferri jubet, veramq; agnoscit inscriptionem *Spes medio contacta sepulchro*, Similiter & aulicis versum istum: *ante thronum Dux mille tubam mediantibus imple*, de tumba explicantibus (nam si M litera mille significans in medio dictionis Tuba ponatur, fit tumba) veniam à futuro Rege & offensa Republica rogans moritur.

Scena 4^{ta}. Cearus Dux Tartarorum è captivitate profugus, & ad interuersionem deletum dolens Exercitum, in furias actus, se ipsum desperabundus perimit.

Scena 5^{ta}. Cogitantibus de adornanda Victori triumphali pompa Senatoribus, supervenit Alexander, jam reducem cum triumpho Ioan-nem Principem significans, quare omnes uno ore Regem proclamant, Orantiq; Alexandro, ut juxta prædicentis Echus oraculum: *manus negata libero victa dabunt*, suis manibus Regium Diadema Fratri & servatori suo imponere possit, libenter annuunt.

Scena 6^{ta}. Obviam procedente senatu currus triumphalis deducitur, quo Victor scientiæ & victoriæ laureis redimitus devehitur in solium, ac inter publicos applausus & gratulationes coronatur, verificato Coronæ lemmate. *Ferat Coronam, quod tulit lauros Caput.*

Scena 7^{ma}. Adfertur nuntius Ianusium cum deprecatione Regis ac totius Reipublicæ fati cessisse, quam quidem defuncto omnes impertunt, in prænam tamen excitatæ seditionis, Ducatus illius regno adjungitur, in emeritos bello heroas distribuendus.

EPILOGUS.

AD terminales Metagymnastici triumphus columnas Avito Perillustri Magnifici Domini Subdapiferi colligatas insigni subsistens Pallas Drohicinensis in Patriæ columen formandam Podlachia Juventutem ad tam feracem laurearum accendit amulationem; nec citius Herculeum non plus ultra illis inscribendum monet, quam arte in Marones, Marte in strenuos Sarmatia Marios efformati, & ingenio Illustrissimo Mecænatæ honori, & instructo ad bella genio Augusto ex utroq; Cesaris Nomini condignè didicerint militare: sub cujus modo triumphalibus signis & Victoriæ Avitæ Crucis Labaro, pro triumphata in literario Campo ignorantia, laureata promotionis distribuit stipendia.

Ad
M. D. T. O. M. G. Bex, ^{lor} V. M. S. L. O. C. Honorem
nec non Sancti Patris Ignatij perpetuum Cultum
ac Venerationem.

in
in
ur
re
tra
pes
nte
an
ba
ica

er
de

na
an
la
m
ma

uo
m
ato

ti
ti
no

ris
llas
em
um
in
bo
di
oso
uu

m



